

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA
CARDINALITIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XXIII MARTII,
M. IOANNE VACHEROT Doctore Medico, Moderatore.

An haurire in balneo purgantem potionem prodest?

943

CONVALESCENTIBVS & breui lapsuris in morbum, haud aliter quam ægotantibus auxiliatur purgatio; sanis verò atque optimè habentibus sit certa pernicies. Purgandi autem corporis ductio, eò innocentior, quò minus procellosa: quare maximè peccant, qui stibium utcumque apparatus purgando corpori oggerunt: hos autem assequuntur, qui in maxima humorum cruditate purgantibus ægros vexant. Ut enim rite purges corpus, non solum exuperantibus humoribus cognatum sit quod adhibeas Medicamentum oportet; sed etiam ad manum veniant, & obtemperantibus medicamentis obsequi ne speres: cæci & latentis ignis extinctione tibi prius demulcendi sunt. Hac re confecta facilius sequentur, quò vocaueris. Atque tunc fere omnia Naturæ mandare oportet, summæ, ut alimentorum concoctionis, sic corruptorum humorum purgationis, artificii.

MAGNUM est ad purgationem, calorem alienum edomuisse: sed viscidos humores, ut facilius fluant, haud abs re fuerit diluere & colliquefacere. Hoc Natura interdum per se ipsa præstat, tum maximè cum tenuior est viscus, & à solidioribus abstinentia: sed Naturæ conatum promouent decocta rerum attenuantium & refrigerantium; nostra iuscula herbis vel radicibus similis potestatis condita, & iucundiora & vtiliora fuerint: specie enim alimenti vis illa colliquefaciens & humectans melius subit, & reconditioribus visceribus semet importat. Quid Clysteres? nonne blando tepore ardores viscerum modificant, coctionemque maturant? Neque rerum prudens Epithemata spreueris; plurimum profunt, vel ex oxycrato, vel ex sola tepida: horum visus, est quædam balnei meditatio. At ipsum pluribus enim lauandi temeritas vitâ conficitur.

BALNEAS vel Natura, vel Ars temperat: Naturales sulphur & bitumen sinu telluris accensa calasciunt, & similes vires addunt: nostras ad ægrorum commoda temperamus: tepidis vulgò vtimur. Naturales externis debilitatibus magis profunt, viscerum ætui nocent: Nostræ tepidæ ex aqua dulci paratæ, penetralia corporis sine damno subeunt, & externis quoque vitis medentur. Ambæ sine purgatione, fordentibus visceribus nunquam satis tutò vsurpantur: qui ad Naturales sedent Medici, hoc volunt dum calidam è thermis ipsis propinant: risu excipiendi, si perfrigerandis visceribus, feruentem aquam bibere consulant. Ut amotâ materiâ, subductoque pabulo ignem restinxeris; sic illi fortasse; quia bilem plurimam his potionibus eliminant, viscerum ardori paululum vnde lauantur.

BALNEVM aquæ dulcis bonis lauantium rebus temperare, haudquâquam leue negotium est; prudentem Medicum, qui tutò lauare vult, adhibeat; nec nisi bene tentatis ab illo aquis se immergat. Nam graue periculum est, aut calidius, aut frigidius, aut inæquabiliter temperatum intrare; bene apparatus, summa utilitas est. Etenim aquæ illius vis blanda, & ægræ naturæ iucunda, spiramenta cutis aperit, quibus laxatis, humorum fulgines liberè exhalantur; ipsa intro se dat, ac bene penitus visceribus se permiscens, concretos vitulatosque humores diluit, liquat, & ad exitum parat. Sicut autem sponte fluentes, nisi Ars coerceat forasque protrudat; ex hoc viscere, in illud desilire, & cæco impetu errare per corpus sentiant ægri mortales; ut lotis nec ritè purgatis, nihil salutaris solers Medicus voueat, quàm scabiem & reliquas cutis foeditates.

INGRESSVS balneum potionem hautias, interea dum tepidæ mollis halitus sic perterritat viscera, ut abstrusi eorum cauis torridi humores permadeant, & fluxiles fiant, acceptum stomacho Medicamentum coquitur, cuiusque vis purgatrix hac coctionis specie fuscitata per præcordia sese diffundit, & quidquid in illis balnei tepore iam maturuit, decerpit statim, & vnâ secum aufert, & hinc lauantibus cum magna lenatio est, tum grauioris periculi fuga. Nam quia tunc leui Medicamento plurimæ sordes, ac nullo ferè labore subducuntur, Naturæ bene consulitur, quam vulgò lædunt vehementia Medicamenta; quid sapius & in cassum repetita nondum maturo humore qui tollendus est? Quanti verò putas iam colliquefactos à balneo prauos humores in ipso fluxionis articulo, antequam principem aliquam partem impetant, compellere, & quâ Naturæ commodum est, abigere? Diuinum certè inuentum, nec nostræ solum ætatis est, lauari, & melius utique purgari, neque id cuiquam vnquam malè euenit; nisi vel imperitè instituta purgatione, vel intempestiuè vsurpato balneo; quæ quidem Artificis, non Artis culpa censenda est.

Ergo haurire in balneo purgantem potionem prodest.

Proponebat Luteriæ PETRVS REGNIER, Parisinus. A. R. S. H. M. D. C. XLV.

